

許真君玉匣記序

玉匣記者旌陽許真君之所著也真君昔以道濟人化瓦為金以輸民之匱負置符於水愈人之疾誅巨蟒於上遼載毒虺於江西功德溥博本可具述及其拔宅上仙

而救世之心惓惓不已見人之祈禳者觸犯天地禁忌致生災殃連綿不宣若曰太上以好生為德而下民建齋設醮本以謝過徵福惟不知禁忌反受殃咎乃惻然憐之躬攷

天曹簿籍日辰甲子福禍災祥六分縷析流傳於世俾億兆有緣或祈或禳庶知避凶趨吉同躋壽域真君是心蓋亦太上之心也近姑蘇道友倪守真得之於異人受而敬信之猶慮見聞者少欲授諸梓

以廣其傳禮予為之序惟夫人之禍福災祥固本於天非深知造化之理者不能細究而明之惟聖人能安之賢人能知之其命眾人不得知而安也則有蹈禍機觸禁網雖欲懺悔首謝而

復誤惟天忘業又甚焉此玉匣記之所繇以作也守真得之不以自秘而又傳之人人知吉焉而用凶焉而避免災於斯世其功行不亦溥乎慕道之士誠能禮信而用之於以禳災謝過予以請福延生其福慶必有所歸矣

宣德八年龍集癸丑夏四月朔旦耕筆齋具子謹書序

記內以戊子戊辰為可用謹按神霄玉訣及女青天律載六戊日不可燒香

况祝祈禱乎意真君必有所授知者宜慎擇之可也

許真君玉匣記

真君見世人作福鼎頓拜表上章建齋設醮或凶或吉作福作禍有人家作福重生災禍破散子孫者此事不知如何真君攷於

天曹案內檢簿看之蓋緣凡師只取五福利者趨先祖六甲在日不知六甲旬中天曜或在地府或在人間致令受生殃禍真君遂乃錄之名曰玉匣記付國師道士奏

聞見其禍福其法不問天隔地隔神隔鬼隔看此六甲旬中並知吉凶也

甲子乙丑日諸神在地若人求福設醮還願求男乞女收福十倍皆得計都星在天上受福若人作福大吉之兆也

丙寅日諸神在天若人求福還願祭祀山川召魂代命近受其殃如用此日作福大凶丁卯戊辰巳巳日諸神在地若人求福拜表祭祀召魂代命設醮求男乞女度厄拜章收福十倍用此三日大吉利